



Pronalazak droge, oružja i municije

Dana 30.11.2021.godine u 16,20 sati, od strane službenika Sudske policije F BiH, obaviještena je Sedma PU da u ulici Nova cesta, općina Vogošća isti postupaju po Naredbi Općinskog suda u Sarajevu koja se odnosi na lišenje slobode lica S.T., rođen 1986.godine, nastanjen u Vogošći, te da je tom prilikom isti napao i povrijedio jednog od službenika. Povrijeđenom je ljekarska pomoć ukazana u UKC u Sarajevu, te su službenici u unutrašnjosti objekta uočili improvizovanu laboratoriju za proizvodnju opojne droge marihuane. Pomenutog dana u 17,15 sati, policijski službenici Odjeljenja za borbu protiv zloupotreba opojnih droga su u saradnji sa policijskim službenicima Sedme PU izvršili pretres kuće i okućnice koju koristi S.T. na navedenoj adresi. Tom prilikom je pronađeno i oduzeto sljedeće:

- puška sa drvenim kundakom,
- okvir za automatsku pušku sa 26 metaka cal. 7,62 mm,
- pištolj sa okvirom i deset metaka,
- okvir za automatsku pušku sa 18 metaka cal. 7,62 mm,
- jedna stabljika biljne vrste koja asocira na biljnu vrstu “Canabis sativa” i
- dva reflektora sa neonskim sijalicama.

S.T. je lišen slobode, zbog postojanja osnova sumnje da je počinio krivična djela iz člana 359. stav 2., člana 238. stav 1. i člana 371. stav 1. KZ F BiH (Napad na službenu osobu u vršenju poslova sigurnosti, Neovlaštena proizvodnja i stavljanje u promet opojnih droga i Nedozvoljeno držanje oružja ili eksplozivnih materija) i predat u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. O navedenom je obaviješten dežurni tužilac Kantonalnog tužilaštva Kantona Sarajevo. Nakon završene kriminalističke obrade, S.T će biti predat u nadležnost službenicima Sudske policije F BiH.

01.12.2021